

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. प्रधानमंत्री नरेंद्र मोदी होर अज्ज बड्डलै 11 बजे आकाशवाणी परा अपने मन की बात कार्यक्रम राएं लोकें कन्नै अपने विचार सांझा करडन।
2. उपराज्यपाल मनोज सिन्हा होरें आखेआ जे विकसित भारत दे नजरिए गी साकार करने च जम्मू-कश्मीर दे युवाएं दा योगदान होग ते एहदे लेई उनेंगी पूरा भरोसा ऐ।
3. मुखमंत्री उमर अब्दुल्ला होरें शिड़क थवां बर्फ हटाने, बिजली ते पानी दी सप्लाई दी बहाली सरबन्धी कम्मै दा इक बैठक दौरान जायजा लैता।
4. जम्मू-श्रीनगर राष्ट्रीय जरनैली शिड़क भारी बर्फबारी करी गड्डिएं दी आओजाई लेई बंद, कई सारियां गड्डियां बत्ता फंसी दियां न, यात्रिएं गी यात्रा थवां पैहले शिड़क दी स्थिति दा पता लाने लेई आखेआ।
5. CEC Ice Hockey प्रतियोगिता लद्दाख च शुरू, 16 टीमां एहदे च हिस्सा लै रदियां न।

<><><><><><>

Mann Ki Baat

प्रधानमंत्री नरेन्द्र मोदी अपने माहवार रेडियो कार्यक्रम “मन की बात” दे राएं अज्ज दिनै 11 बजे देश-विदेश दे श्रोताएं कन्नै बचार सांझे करडन। एह इस कार्यक्रम दी 117मीं किश्त होग। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाहग। एहदे

इलावा एह प्रसारण आकाशवाणी खबरें दी वैबसाइट ते न्यूज़ ऑन ए.आई.आर मोबाइल ऐप पर बी उपलब्ध होग। एहदे कन्नो कन्नी आकाशवाणी समाचार, डी.डी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी एहदी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे फौरन मुकामी भाशाएं च एहदा अनुवाद बी प्रसारित कीता जाहग।

<><><><><><>

LG Sports

उपराज्यपाल मनोज सिन्हा होरें आखेआ ऐ जे उनेंगी जम्मू-कश्मीर दे नौजवानें पर पूरा भरोसा ऐ जे ओह अपने योगदान गी समझदे होई विकसित भारत दा जेड़ा नजरिया ऐ उसी साकार करडन। उपराज्यपाल होरें एह गल्ल मोलाना आजाद स्टेडियम जम्मू च आयोजित 5मीं कश्मीरी पंडित प्रीमियर लीग दा उद्घाटन करदे होई आखी। मनोज सिन्हा होरें इस मौके प्रतियोगिता च हिस्सा लैरदे सब्बनें खडारिएं गी शुभकामनां दित्तियां। उपराज्यपाल होरें संतुलन, दृढ़ संकल्प ते आपसी भाईचारे गी बढ़ावा देने च खेड्डें दी भूमिका पर बी लो पाई। इस मौके पर मनोज सिन्हा होरें कश्मीरी पंडितें दे कल्याण आस्तै अपनी प्रतिबद्धता गी दोहरांदे होई आखेआ जे ओह उंदे योगदान ते हर हालात च अपने आप गी ढालने दी सराहना करदे न। उपराज्यपाल होरें युवाएं गी अपनी जड़ें कन्नै जुड़े रौहने दा अनुरोध कीता ते आखेआ जे ओह इक्क विकसित ते समावेशी भारत आस्तै कम्म करन

<><><><><><>

Secretary-RDD

ग्रामीण विकास ते पंचायती राज मैहकमे दे सचिव मोहम्मद एजाज असद होरें कल इक बैठक च महात्मा गांधी राष्ट्री ग्रामीण रोजगार गारंटी स्कीम दे तैहत होआ'रदे कम्मै दी प्रगिति दा जायजा लैता। सचिव होरें इस बैठक च मिशन अमृत सरोवर दी दुई गेड़, 'उन्नति' पैहल दी प्रगिति ते गोबर धन संयंत्रें गी लागू करने दा बी जायजा लैता। मीटिंग दौरान सैक्रेटरी होरें इनं कम्में दे असर गी होर बदाने लेई प्रगतिशील योजना, पारदर्शिता ते जवाबदेही पर जोर पाया। सचिव होरें 100 फीसदी आधार सीडिंग करने आस्तै बी गलाया।

<><><><><><>

DC-Jammu PDD Review

जम्मू दे डिप्टी कमिशनर सचिन कुमार वैश्य होरें इक बैठक लाइए जिला कैपेक्स बजट तैहत बिजली विकास मैहकमे दी प्रगिति ते कम्मकाज दा जायजा लैता। इस दौरान बिजली सरबन्धी ढांचे गी मजबूत करने लेई जत्न बी कीते गए। बैठक दौरान डिप्टी कमिशनर होरें पी.एम सूर्य घर, पी.एम कुसम ते RDSS दा जायजा लैता। उनें अफसरें गी हिदायत कीती जे ओह चला'रदे प्रोजेक्टें दी रफ्तार गी बदान तां जे उंदे लाह लक्षित लोकें तगर पुज्जी सकन।

<><><><><><>

Kathua-Pipeline

आधुनिकरण दी बड्डी गेंs तैहत कठुआ जिले दे बसनीकें गी जल्दी गै नर्मी बछाई गेदी गैस पाइपलाइन दे राहें रसोई गैस दी आपूर्ति शुरू करी दिती जाग। ACE Pipeline पासेआ शुरू कीता गेदा एह प्रोजेक्ट पंजाब दे गुरदासपुर थवां शुरू होइयै जम्मू तगर बना करदा ऐ। आगरा शा लेइए कटड़ा तगर एक्सप्रेस-वे दे कन्नै-कन्नै लगदा एह प्रोजेक्ट कठुआ थवां लंगघोग। कठुआ

दे विधायक डॉ. भारत भूषण होरें इस प्रोजेक्ट दी तरीं करदे होई इसी इक बड्डाल बदलाव दस्सेआ ऐ। विधायक होरें प्रधानमंत्री नरेंद्र मोदी ते पेट्रोलियम मंत्रालय दा इस पैहल लेई शुक्रिया अदा कीता।

<><><><><><>

HADP-R S Pura

मिशन डरैक्टर राहुल यादव होरें Holistic Agriculture Development Programme (HADP) दे तैहत राई-बाई आहले चला करदे प्रोजेक्टें दी प्रगति दा जायजा लैने लेई आर.एस पुरा सब डिविजन दा इक व्यापक दौरा लाया। यादव होरें इस मौके तापमान गी नियंत्रित करने आहले खुम्बें दी पैदावार लेई लाए गेदे यूनितें दा बी जायजा लैता। उनें किसान खिदमत घर सेंटरें ते मिट्टी दी टेस्टिंग लेई स्थापित निक्कियें लैबाटरियें दा बी जायजा लैता। यादव होरें इस मौके करसानें ते FPO दे सदस्यें कन्नै बी गल्लबात कीती।

<><><><><><>

CM-Administrative Meeting

मुख्यमंत्री उमर अब्दुल्ला होरें डिविजनल ते जिला प्रशासन दी इक महत्वपूर्ण बैठक लाई। इस दौरान उनें बर्फ हटाने, बिजली ते पानी दी सप्लाई दा जायजा लैता। एह बैठक वर्चुअल माध्यम राहें लग्गी। बैठक दौरान उनें खितें दी पूरी पराती स्थिति दा जायजा लैता। हाल च होई दी बर्फबारी दे मददेनजर उनें जरूरी सेवाएं दी विजन त्रोड़े दे दस्तयाबी लेई हिदायतां जारी कीतियां।

बैठक च खासतौर पर ध्यान उनें सेवाएं गी बहाल करने पर दिता गेआ जिंदे पर मौसम करी माड़ा असर पेआ ऐ।

<><><><><><>

JK Highway Closed

जम्मू-श्रीनगर राष्ट्रीय जरनैली शिड़क गड़डिं दी आवाजाई लेई बंद ऐ। शिड़क पर बर्फ किट्ठी होने ते तलैट होने करी शिड़क गी बंद कीता गेआ ऐ। बता कई सारियां बड़डियां गड़डियां फंसी दियां न। श्रीनगर लेई जरनैली शिड़क ते मुगल रोड जेड़ी दक्खनी कश्मीर दे शोपियां जिले गी राजौरी ते पुंछ कन्नै जोड़दी ऐ ओह बी गड़डिं दी आओजाई लेई बंद ऐ। यात्रिं गी सलाह दिती गेई ऐ जे ओह ट्रैफिक नियंत्रण इाकई श्रीनगर ते जम्मू कन्नै यात्रा शुरू करने थ्वां पैहले संपर्क करन। अमले ते मशीनें गी कम्मै पर लाया गेदा ऐ तां जे बर्फ गी हटाया जाई सकै ते यातायात बहाल होई सकै। लोक जरनैली शिड़क बारे कुसै बी ताजा जानकारी लेई ट्रैफिक कंट्रोल यूनिट्स कन्नै राबता करी सकदे न। जम्मू लेई नंबर ऐ। 94191-47732, रामबन लेई 94199-93745, उधमपुर लेई 84919-28625 ते किश्तवाड़ लेई 99061-54100 पर फोन करिए जानकारी लेई सकदे न।

<><><><><><>

Rana-Rajouri Meeting

जल जीवन ते जनजातीय मामलें दे मंत्री जावेद अहमद राणा होरें राजौरी दे अधिकारिं दी बैठक लाई ते चला रदे विकास प्रोजेक्टें ते जनजातीय लोकें दे कल्याण लेई चलाई जा करदी स्कीमें दी प्रगति दा जायजा लैता। राजौरी दे डिप्टी कमिशनर अभिषेक शर्मा होरें बैठक दौरान

केंद्र ते केंद्र शासित प्रदेश आसेआ चलाई जा'रदी बक्ख-बक्ख स्कीमें दी प्रगति, कीते जा रदे जत्नें दा ब्यौररा दिता। बैठक दौरान मंत्री होरें मिट्टी दे संरक्षण लेई इक पूरी पराती व्यापक प्रोजैक्ट रिपोर्ट जमा करोआने दियां हिदायतां दितियां। उनें सरबंधी कम्मै लेई हल्के स्हाबै 10-10 करोड़ रपे देने लेई बी गलाया। उनें गाएं च पानी दी कमी गी पूरा करने लेई हर हलके च 2-2 पानी दे टैंकर देने दी घोषणा कीती।

<><><><><><>

Disha MP

राजौरी-पुंछ-अनंतनाग हल्के थवां सांसद मियां अल्ताफ अमहद होरें कल पुंछ आहले डाक बंगले च बैठक लाई। इस बैठक च मुख्क करी ध्यान केंद्र प्रायोजित प्रोजैक्टें, मती महत्वै आहली फ्लैगशिप स्कीमें ते समाजी सुरक्षा सरबंधी जत्नें पर दिता गोआ। बैठक दौरान पुंछ दे जिला विकास आयुक्त विकास कुंडल होरें प्रधानमंत्री उज्जवला योजना, अटल पेंशन योजना, प्रधानमंत्री जीवन ज्योति बीमा योजना ते होरनें दुए विकास कम्में गी उजागर कीता। सांसद होरें लोकें तगर पुज्ज बनाने, मेंसिर विकास कम्में गी पूरा करने ते सब्बनें गी पीने आहला साफ स्वच्छ पानी उपलब्ध करोआने पर जोर पाया। उनें बीआरओ गी हिदायत कीती जे ओह महत्वपूर्ण शिड़कें पर लुक्क पाने आहले कम्मै गी तौले पूरा करन। एहदे कन्नै उनें कम्मै दे म्यार गी बनाई रखने लेई बी आखेआ। इस दौरान उनेंगी दस्सेआ गोआ जे 77 अशारिया 9-8 फीसद लक्षित कम्में गी पूरा करी लैता गोआ ऐ। सांसद हारें एहदे लेई प्रशासन दे जत्नें दी सराहना कीती।

<><><><><><>

Ladakh Ice Hockey

लद्दाख च स्यालें दरान खेड्डी जाने आहली आईस हॉकी च इस ब'रे 6 टीमां हिस्सा लै करदिआं न' जिंदे च 6 महिलाएं दिआं टीमां न। पिच्छले त्र'ऊं दहाकें थमां आइस हॉकी दा आयोजन आम नागरिकें, रक्षा कर्मियें ते मुकामी लोकें आसेआ हर ब' रे स्यालें दरान सांझे तौर पर कीता जंदा ऐ। इस दरान आइस हॉकी फील्ड पर केई चाल्ली दे खेड्ढ मुकाबले होंदे न। एहदे लेई जलाशय गी बिजन कुसै तकनीकी सहायता दे व्यक्तिगत जतनें कन्ने जमाया जंदा ऐ। लेह पर्वतीय परिषद दे पार्षद होरें दस्सेआ जे आईस हॉकी गी बढ़ावा देने आस्तै हर सम्भव गैहीं पुट्टियां जा'रदिआं न। प्रतियोगिता दा फाइनल अगले ब'रे 3 जनवरी गी खेड्ढेआ जाहग।

<><><><><><>